

ret signum lapidis, ubi infixæ fuit usque in præsentem diem.

## CAPUT SECUNDUM.

*Adventus Attilæ . Johannis occursum . Attilæ placatur .* Hæc ad Johannem Chryfologi successorem spectant.

**E**O namque tempore, cum Episcopalem Cathedram Ravennatis Ecclesiæ Beatus jam dictus obtineret Johannes, contigit, ut Attila Rex Hunnorum fines Itolorum vastaret, atque suis mucronibus Populorum corpora jugularet. Cum ad oram Ravennatum properasset, ut eam everfiam, & ejus Habitatores telis interemisset, atque illius hostes, ut multitudo locustarum per sablonosa loca fusa jacerent, die uno, & altero Ravennam properaverunt cum thoracibus, & clypeis. Ipse verò Rex lorica indutus, & circumfultus arma bellica, pectusque suam umbone tegebat, cristatus capite cum exercitu gradiebat. Quem ut sanctissimus Præful sensit Johannes, rotus se cum magis lamentis, & largissimis fletibus in orationem Omnipotentis Domino pronus in faciem stravit, petivitque mortem animæ suæ, ut non suos filios, vel filias, Ravennatesque Cives in exterminium, aut in consummationem videret evelli, vel dissipari, & nec sua Ecclesia contaminata esset ab iniquis, & crudelissimis hominibus, & non videret excidium Civitatis in direptionem prædantium; ut animas illas, quas ipse è supersticiosa gentilitate soli Deo adquisierat, Paganorum non *subjugatis* (1) manibus videret, & ne iterum ad errorem Gentilitatis redirent, & ne animas illas fallacissimus Diabolus suis ditionibus manciparet. Igitur dum Sanctus in (2) tota nocte pervigilans sifteret, & pro suis ovibus incessabiliter Dominum deprecaretur fixis in terra genibus, tunsoque pectore colaphis, expansis manibus Deum talibus vocibus deprecabatur. Omnipotens Deus, cujus mirabilia inenarrabilia sunt, exaudi me servum tuum humilem, & peccatorem; suscipe orationem meam piissime Pater; perveniunt lacrymæ meæ ante conspectum misericordiæ tuæ. Adesto mihi Deus, (3) qui ex nihilo fecisti Cælum, verboque solidasti terram, qui super molem statuisti cacumina montium, qui formasti hominem ex liquido elemento, in cujus factura delectatus es, & præcepisti ei te solum timere. Sub tuo Domine imperio omnia contremiscunt, ante tuum conspectum *fugient* (4) Cæli, tremunt *terra*, (5) montes commovebuntur, fluent quassantur, tremunt Angeli, *metuent* (6) Arcangeli, trepidant Dominationes, Principatus, & Potestates *currunt*, (7) nubes, & aëra disperguntur, Sol obscurat radios, Luna obtenebrescit, caligine claritatem astrorum minuitur. Miserere nobis Formator humani generis, libera nos in manu forti, & brachio excelso, salva nos per tuam sanctam victricem dexteram. Tu es Deus in Cælo sursum, & in terra deorsum, qui Pharaonem cum curribus, & exercitibus suis in profundum pelagi demersisti, & Israëlita castra protexisti, qui Amalech evertisti, & Amorrhæos contrivisti, qui castra Assyriorum per Angelum tuum sanctum.

Tom. II.

(1) *subjugatis*. Mur.  
(2) *Vir*. Mur.  
(3) *meus*. Mur.  
(4) *fugiant*. Mur.  
(5) *terras*. Mur.

**A** CXLV. millia prostravisti. Supplico Omnipotens Deus, ut tribuas nobis adjutorium de sanctis Cælis tuis, quia tu conteres bella. Dominus nomen est illi per Dominum nostrum Jesum Christum filium tuum, qui tecum vivit, & regnat Deus in unitate Spiritus Sancti, per omnia secula seculorum. Amen. Post verò consummata oratione surrexit de loco lacrymis rore pleno (8). Alia verò die valde diluculo processit Beatissimus quasi ad solemnia Missarum, indutusque (9) schemmata angelica cum Sacerdotibus, & Clericis, & cum thurribulis ante illos incensa offerentes, cum ingenti lumine canendo, & Deo psallendo simul ad prædictum Regem Attilam properaverunt. Tanta etenim Divina pietas institit, ut cor Regis non solum ferocis lenocinia viderentur, sive corruscantia vestimenta viderentur esse deposita, verumetiam pro sanctissimo Viro Rex cum suis exercitibus adversus alium, si necesse fuisset, dimicaret Regem, & quos nuper venerat perdere, postmodum defensaret. Igitur sedente Rege in regali folio, vestimenta auro textilis, purpurâ indutus, videns eum à longe venientem ad se cum suis psallentem Sacerdotibus, ad suos ait; unde sunt Viri isti candidissimi psallentes, vel unde veaerunt, aut quid volunt? Ego enim tales homines nunquam meis visibus vidi, nive candidiores, præ omnibus pulciores, & valde electi. Et iste, qui prævius eorum est, quasi Angelus Dei? Hi, qui aderant respondentes dixerunt Regi; Domine invictissime Rex triumphator, virum istum, quem in medio candidorum stantem, & plorantem cernis, supplicare tuum potentem brachium, ut parcas, venit, misericordiam petit, pietatem tuam postulat. Rex autem ad illos; ob quam causam? Dixeruntque, ne floridam Ravennam in exterminio tradas, ut ad *laetitia* (10) Cives Civitatis restituas. Iterum Rex interrogans ait; & unde est ille? Et dixerunt; etiam ipsius Episcopati sedem ipse regit; & ait Rex; interrogate eum, quid sibi vult, aut quale solatium illi impendet, vel pro qua causa ille nostris aspectibus stravit, & respondentes Regi dixerunt, audientes omnes; virtutem tuam magnam, & manum tuam validam, & tuum esse potentissimum brachium, phalangesque tuas robustas; ideo hic Vir venit ad te, & pro suis filiis cupit animam suam morti tradere, ne suæ subversionem videat Civitatis, quia fama tua victoriosa in omnem terram crevit, & maxime divulgata est. Dixitque ad illos Rex; quid dicitis inauditam rem? Vestris sermonibus asperis aures meas tentastis. Nonne mundana lex censuit, ut quicumque Regis aures inutilia nunciaverit, gladium jubet demoliri? Dicite mihi ò vos omnes, qui hanc causam nostis, & diligentius curiosè audiam; quomodo potuit hic unus homo tantos filios procreare? Et respondentes de astantibus Regi cum nimio metu, & veneratione, timore terri dixerunt; non est ita, ut noster arbitrat Dominus, tamen si vultis audire, quomodo sui filii sunt, veris assertionibus, & certissimis eloquiis manifestemus. Non ex conceptu carnis, aut ex pollutione libidinis, sed spirituales filii sunt, quos ipse Omnipotenti Deo adquisivit, & ex Paganorum cultu petravit. Pro ipsis desiderat mori, pro ipsis se sacrificium offert, ut

I ante-

(6) *metuunt*. Mur.  
(7) *currunt*. Mur.  
(8) *plenus*. Mur.  
(9) *Id est ornamenta*. Bacch.  
(10) *laetitia*. Mur.